

李空同詩集卷一

北郡李夢陽獻吉撰

古詩一十五首

禋社

禋社紀成也今上肇禮于社臣夢陽以戶部員

外郎從而賦禋社

元年仲春吉日維戊天子肇修于社式對二后協於百

辟既祇既戒其日丁巳三星彗彗

百辟至止萃於臬門三星在隅乃辟乃闐有滄其雲有

零其雨赤烏踰蹕于壇之所

八佾剡剡百燎盈庭左金石鏞鼓孔行帝命元臣曰

空同集卷一

戒朕代式虔式穆厥維朕載

元臣受命爰肅其躬月出則光三星在中啓管嗶嗶有

萬斯舞爰配二辟犧尊維俎

於神來格殷殷番番龍旂載揚雷霆嗶嗶明明對越肅

肅奔走神既醉飽錫辟之祐

通皇纘業配天于京三辰允禎曰雨曰暘皇降嘉實來

牟黍稌敷文戢戈克紹冢土

禋社六章章八句

辟雍

辟雍紀視學也

天子至止于彼辟雍和鸞央央其來雍雍象輅金衡有

蒼其龍光于廟宮是依是崇
吉日維申修我元祀皇祝設樂鏞鼓萬舞有筐有篚以
享以祀羣執肅肅秉德弗渝
維其觀者三氏孫子其冠冢冢來忻來止翩彼鳳鳥集
于東林繹其觀者其爛如雲
自門徂基辟儼若思青衿濟濟以辟以師爰命祭酒司
業拜手訏哉嘉謀作民元后
帝若曰都戎言式弘匪道何程匪猷曷承載弼元理維
協乃有眾拜稽首天子萬壽
旗旒旆旆淵淵伐鼓皇發辟雍用惠下土自天降休豐
年穰穰藹藹王多吉人四國用康

空同集卷一

二

辟雍六章章八句

甘露

甘露紀異也元年冬至甘露降于陵樹

於辟是興皇用錫祉苞有八業侯茂侯采
塤塤墉壑有嚴廟宮湛彼露斯既霑既降
湛彼露斯于松于柏是暨是掇罔匪澤澤
苑彼陵樹有爛其華盈盈薰薰光于邦家
蕩蕩上帝降監在茲維辟時格豈曰匪時
其時伊何厥陽載升爰液乃濡惠我孔明
其昭伊何曰帝攸績靡濫靡僭甘澍斯獲
明明昊天是歆是臧臣作誦言告于萬方

甘露八章章四句
觀牲
大禹曰咨咨太康

觀牲大儀也
赫赫明明天子攸行以修肇禘以對于上帝

天子至止觀牲于郊龍旂交交馬鳴蕭蕭

帝至于郊於赫有臨載穆載欽曰歲事是飲

帝降于圉犧人脫福羊牛鹿豕僂僂濯濯濯牲牲翔

帝之圉其牲孔碩甫甫麋麋

城人伐鼓帝至郊所干旄淠淠虎士孔武乘彼大路八

鸞與與昭于萬邦光于皇祖

觀牲五章三章章四句二章章八句

空同集卷一
三

效五子之歌正德年作

大禹曰咨咨太康女何樂于田十旬弗返百姓離迷女

厥緒用殄洛汭湯湯流于冀方曷歸曷歸我心憂傷

大禹曰咨咨太康敬哉有土母荼毒下民母曰民小母

我崇尊天自我民明威

太禹曰咨咨太康天命難忱慎德者昌維帝克堪奄有

萬方乃罔攸序上帝殛罰女

大禹曰咨咨太康毋游于盤毋荒于田母小人是庸嗜

貨靡不顛母曰予一人天下予何天方降爾瘥

大禹曰咨咨太康彼曰不臧是謀是從此曰既經是戾
是戕不念爾祖獨不念爾土嗚呼敬敬敬哉天罔私隲

女

效五子五章二章章九句一章八句二章章

六句

有鴟

有鴟諷也

有鴟有鴟集于喬林征夫遑遑以北以南居人之子我
是用覃

東人之子衣服粲粲西人之子車馬有爛中人之子嚶
嚶衍衍

誰屋室潭潭誰教猥有冠誰遇人艱難誰寤寐永歎

爾視爾友令色令儀弗視爾友靡臧靡嘉爾視爾友子

室同集卷一

四

德子哲背姻背姪罔不愆戾

朔日日虧十月其雷山川震崩星辰逆行二三君子匪

疚匪疾日時則然匪我敢逸

燕雀在堂翩翩其羽鱗鱗魴鱖在于河渚弗念弗畜孰

獲爾所小子作詩誨言式女

有鴟六章二章章六句三章章八句一章四

句

青青者蒲

青青者蒲感遇也

青青者蒲生于汙池旗旒有翩君子攸悲

有蕩者道其木喬喬有鳥嘒嘒女有巢漂搖

有石嶢嶢枉于中泉我思漑疊畏子不前

青青者蒲三章章四句

有兔

有兔閔獵穉也

有兔有兔其來趨趨有置憂憂虞人之縛

有兔綏綏瞻子傷悲豈女有母我子無所養

爾粟爾糜爾有貓狸云胡樂而

有兔三章二章章四句一章三句

河之楊

河之楊怨離也

河之楊其葉幡幡子之歸矣誰與我晤言

空同集卷一

五

河之湍兮我心惻兮庶見子旋兮

河之楊二章一章四句一章三句

我行

我行思也

采蝻采蝻于彼中野我行思子瞻望伊阻

我有邊有徂涓涓我酌坎坎我鼓反反我舞

有筵有几我有桃李不見子都實維憂矣

我行三章章四句

始雷

雷于辰宜也然懼其弗施也弗威也又弗廣也

作始雷

雷之礪兮西山之陽兮翁兮張兮發坤藏兮闡而昌兮
雷之升兮列缺光兮驅罔象叶兮割幽匿兮維民之福兮

雷競競兮民懇懇叶兮施甘雨兮冒下土兮登我稷黍

兮

始雷三章章五句

我出城闔

我出城闔閔水也嘉靖甲申秋久雨水涌陸地

行舟

我出城闔浩浩其流我車我馬登彼方舟昔也長薄乃
今舟之滔滔波塗音也疇之

空同集卷一

六

嗚呼蒼天雨無其極於我良田泄我稼穡賣牛買船賣
鉏買楫夕之朝之濟有深涉

彼負者子涉蹇號咷彼輦者子陷泥中濤彼車者子馬
顛濡毛彼往來者誰子冠蓋而游遨

我出城闔三章章八句

河之渚

河之渚送鮑氏也

河之渚鳧鴈與與我駕我車載言送汝河水漚漚汝舟
泝泝冬十有一月甲申者歲

河之沙浩浩其霜人廬人處子也獨行廬匪不懷茲非
我邦豈無念處旋我舊鄉

舊山有廬溪則有魚有車馬驅有琴瑟笙竿烈風旆旆
寒日冰瀨汝征汝邁

山有栲亦或有栳魚潛于淵或在于沼芻蕘之言君子
敬聽慎爾威儀擇爾友朋

春日鵝鴨河之渚四章三章章八句一章七句

型範

型範省躬也

器土必型器竹必範綏則有蟬冠則有范哲人畏威爰
矜爰業省之察之春冰是涉

帝命攸畀而胡罔嘉忽心乘之厥玉斯瑕聖戒罔念賢
省日三與則倚之立則如參

空同集卷一

七

淵魚負冰谷鳥嚶嚶賢豈在貴愚匪無榮維彼賢人省
躬靡疚彼愚何人外華中垢

型範三章章八句

歸壽

歸壽者李子爲東野子作者也東野子年六十

其子經自大梁馳而歸壽焉於是作歸壽

春日既熙有繁其梅爰啟我堂我尊我壘穆穆其實捐
讓先後介我眉壽飲我清酒

爾生之辰爾子逆馳何以獻之玉斗金卮春華在殷舞
衣爛斑庭樹青葱鳥鳴關闕

又何獻之崧高之松翠蕤屈枝盤盤如龍又何獻之維

河之鯉玉鬢曜陽金
麟泚泚

歸壽三章章八句



空同集卷一

八

李空同詩集卷一終

李空同詩集卷二

北郡李夢陽獻吉撰

琴操五首

衛女操

舊說衛有賢女趙王聞其賢請聘之未至而王
薨太子曰吾聞齊桓公得衛女而霸今衛女賢
欲畱之大夫曰不可若賢女必不我聽若聽必
不賢不可取也太子遂畱之果不聽拘於深宮
思歸不得援琴而歌曲終自縊而死

有狐綏綏兮在彼河梁我欲濟之兮河無航瞻彼故丘
兮淇水淺淺懷我父母兮不能奮翻嗟嗟不能奮翻予

安用存兮

空同集卷二

漆室女操

漆室女魯人也倚柱悲吟鄰人問曰欲嫁乎女
曰吾憂國傷人心悲而嘯何言欲嫁乎遂自經
而死

父母不聽女言女義不至公門嗟嗟柰何朝倚柱而吟
暮倚柱而歌知我者謂我心憂不知我者謂我求爲家
吾寧爲地上之茂草誠不忍負巖牆而生

慧娥操

李子中庭而立有蛾窠於爵入檐而避之李子
傷之作此操也

翼之漸漸兮入我襦兮慧遠賊兮信彼黠兮寧爾獲兮
哀鳳操

哀鳳操爲漢中張子作也張子三十而天子傷
其孤貧無歸也援琴而哀之

鳳之來兮爾胡爲兮牛有阜兮雞有棲鳳兮鳳兮今何
歸傷哉命兮我心悲

月星操

元年冬十有一月其日己卯月在寅位金宿來

襲李子見之而憂作此操也

陰陽舛錯亦孔之還斤斤其月有星薄之嗚呼天高高
在上意安若兮

空同集卷二

二

古調歌詩一十五首

河之水歌

河之水歌李子爲其子作也以子追不及

河之水流濺濺望父不見立河干

河水澆澆舟子搖櫓東方漸明我不得渡

想像歌

李子北行日夜行思其兄其兄亦日夜行於是

作想像之歌

霧邪煙邪行草莽者兄邪

雞鳴歌

雞鳴歌者李子去江西而作者也孤舟泝江漢

而上

東方白兮雞鳴膠鼓予擢兮沙之坳明星上船桅北
斗入地離離蘆中人逝而逝而

內教場歌

內教場歌者李子紀時事而作者也帝自將練

兵於內庭

雕弓豹韃騎白馬大明門前馬不下徑入內伐鼓大同

邪宣府邪將軍者許邪解一武臣不習威柰彼四東西內

樹旗皇介夜馳鳴礮烈火嗟嗟辛苦解二

叫天歌

叫天歌者撫民之所作也余聞而悲焉撮其詞

空同集卷二

三

而比之音

彎弓兮帶刀彼誰者子逍遙牽我妻放火我言官府怒

我解一彼逍遙者誰子出門殺人騎馬城市汝何人誰教

汝騎馬解二持刃來持刃來彼殺我父兄我今遇之必殺

此儻彼蒼言奉黃榜招安嗟嗟柰何柰何解三彼不有官

飢官賑之出有馬騎我有租有徭有役苦楚胡不彼而

解四

招安歌

鷹飢則附我父順子逆子右父左彼則萬只誰曰千只

彼烹牛美妻尚望樵山而秉犁

賊逃歌

戈戟團團鳥飛不過汝安逃兮毒弩蛇矛平林之劫兮
君不見青衣來狼兵開

愍災歌

火之發兮城南暮飛城入兮勢衝礮急風逆不反我心
怛兮怫兮汨兮安得術噤爾滅兮

解省之火自門徂堂

燒兩廊兮彼何樓者裂棟爆瓦天爲赭兮煙噴噴海湧
照四野兮嗟何鳥聲怪而赤焰翔而不下兮

解

愍燠歌

東湖爲陸而我無車有舟灘高水淺行不得以舒倉浪
天疾威我人七月不雨田龜拆山而鱗鱗夫兮出殺賊
婦哭于廬疇給我食

空同集卷二

四

姚源歌

嗟峯峯是何峯攢兮下則無底之壑血節澀潺兮猛獸
食人岑岑禽鳥竦峙鴟鳶不可以爲鳳枉爾飼兮我聞
不敢以言舉火來白刃帳下離哉翻縣官走前奪驢後
叫狗

欵乃歌

五更風打頭來兮嗟嗟欵乃船開努力齊兮欵乃力把
柁立兮欵乃努力上灘水平平緩兮欵乃北風雨雪吹
我寒兮欵乃日漸漸冥兮誰濟此川欵乃

和方山子歌

饑者在郊黃鳥交交楊柳蔭車有酒有肴

柰茲華髮何

楚調歌一十二首

天門開

天門開兮冥冥沛余乘兮上征雷車兮電旗斑陸離兮
四馳陽昭昭兮狂下女翩翩兮媵予交不周兮易離路
超遠兮徒自苦涉海兮揚靈揖陽侯兮貝宮采珊瑚兮
嶼間折三秀兮水中望佳人兮不來吹洞簫兮絕浦聊
盤旋兮戲娛時不可兮再有

貽女

龍旌兮玄牡重闕兮紫府夫君兮不可以見女躑躅兮
徒自苦衝風起兮河曾波巖巖岬岬兮桂蘿折瓊蕊兮貽

空同集卷二

六

女媒不通兮怨嗟若有人兮乘游龍佩蒼景兮御清風
陟帝左兮右降又翱翔兮極中君游兮崑崙又夕宴兮
王母緩節兮永歌紛佻兮繁舞望遙浦兮御舸吹參差
兮愁子

捐袂

捐袂兮沙裔遺襟兮澧浦御重華兮九疑觀潺湲兮容
與神之來兮六龍翳瓊枝兮翠葆驅豐隆兮挾百靈來
如雲兮去冥冥來躡霞兮去乘霓連蜷兮復葳蕤山
之桂兮江之楓雲颯颯兮吹秋風班予馬兮延佇美要
眇兮中渚

懷鄉

伐辛夷兮采芳芷葺荷屋兮蔭蘭渚佳人去兮不歸靈
連蜷兮愁望予涉世徑兮歷險阻駕玄驂兮又文牡歲
冉冉兮既不我畱悵懷鄉兮汨夷猶葛藟離離兮石間
雨冥冥兮山之幽旋予馬兮故阿陟堂址兮寡女蘿霜
露交下兮亭皋秋風夕兮洞庭波山何爲兮龍嵒木何
爲兮蒙密公有亭兮何不日鼓瑟日鼓瑟兮復吹觥
娛樂兮萬福來

君夷猶

登樓兮送君日盈盈兮將落曖第鬱兮帶長薄君夷猶
兮吹閒並去作巢燕兮旣辭又鳴兮螻蛄紛軒蓋兮總總
君胡爲兮南都若有人兮被杜蘅帶薜蘿兮蕙纓中有

空同集卷二

七

懷兮荃不知臨修路兮悵天涯悵天涯兮望煙渚信子
美兮誰與龍城兮貝闕君暮趨兮朝謁采芳芷兮江中
寄佳人兮天北

騁望

送佳人兮江渚嫋嫋兮雲氣下鳥翩翩兮戾止蟬暮吟
兮獨苦余遭回兮隱軫蹇中洲兮偃蹇心相親兮口難
言目不覩兮日以遠風濤兮浩蕩涉浦兮騁望蘭被汀
兮葳蕤杜參差兮夕漲君稅楫兮前坻復容與乎中渚
悄恍兮將從澹淹畱兮誰與

雩旱歌

望君兮曾波雨霾兮兩河驂豐隆兮駕馮夷蹇將至兮

風薄之吹笙兮擊鼓絃絃兮會舞君不來兮使我心苦
雲冥冥兮晝晦神靈惠兮甘雨我稷兮我黍穀之兮土
女編龍兮堂墀禽蜥蜴兮水際吐雲兮上下使鳩鳥兮
騰逝紛總總兮神欲下颿爲駕兮龍爲馬君誰須兮不
來日將莫兮怨思

祀白鹿先生迎送神辭三首

吹玉簫兮眺帆浦橫蔽江兮美無舸蹻躅兮旋望宛
窈窕兮山之左陟山左兮降右忽而來兮倏而去跨白
鹿兮導兩螭色含笑兮心莫知既登兮山椒復南陟兮
石瀨日冥冥兮欲暮風飄飄兮吹蕙帶

右迎神

空同集卷二

八

綠蘿兮紫萸桂生兮羅戶風颯颯兮若有望神驅雨兮
泉浪浪躑我階兮坐我几以彭郎兮挾匡父蘭穀兮椒
醕日中兮萬舞美孰怒兮飄忽逝雲離離兮怨余

右降神

迹不偕兮心相疑懼雖諧兮愁易離君荷衣兮蕙帶道
遙山中兮桂爲蓋天門兮旣闢騰而上兮雲之際石有
澗兮山有峯心相慕兮交不逢稅吾車兮繫馬願褰衣
兮從子

右送神

步虛辭

被霞衣兮芝蓋藹沛騰兮影長帶魂逖逖兮天門奄周

章兮雲際吹參差兮槃舞鐙繁紛兮不歌以鼓水以陸
兮濟鬼福釐泐兮冀望苦

芝山子辭

山之芝兮葳蕤子出游兮不歸子不歸兮翳薜蘿審余
獨兮山之阿山阿兮望子芝爛爛兮莖紫從子兮齋房
帝座兮顯清天門兮不易通子歸來兮山中石磊磊兮
路修日暮兮不我聊

空同集卷二

九

芝山子辭

芝山子辭

李空同詩集卷二終

李空同詩集卷三

北郡李夢陽獻吉撰

樂府雜調曲三十七首

擬前緩聲歌

萬水東流魚西上游不虞彼有漁子置我於其鉤魚告
漁子女曷太荼寬大福厚不見是圖漁乃偃僂伸鉤我
脫身以游漁起揮手謝天命各有由此魚銜明珠來報
當日漁

擬烏生八九子

烏生八九子八九子餽飼兩老烏乃在城牆高樹頭兩
老烏拮据爲巢心中實毒荼晝夜餽飼八九子八九子

空同集卷三

長成各自飛不來顧老烏巢風雨巢漂搖今年有巢處
來年哺子何處所猛虎能食人尙復有子之親螻蟻極
細小蟲奉事長上禮若君臣何得朋友如路人上車逢
所知下車稱別離淚下如雨眼迷離來時不知南不知
北我去何勞問東西車輪班班轉老烏飛飛啄赤莧

附郭公謠

赤雲日東江水西榛墟樹孤禽來嘯語音哀切行且
啄慘怛若訴聞者悽靜察細忖不可辯似呼郭公兼
其妻一呼郭公兩呼婆各家栽禾栽到田塍誰教檢
取螺公要螺灸婆言攝客攝得客來新婦偷食公欲
罵婦婆則嘖婦頭插金行帶銀郭公脣乾口噪救不

得哀鴉繞枝天色黑

李子曰世嘗謂刪後無詩無者謂雅耳風自謠
口出孰得而無之哉今錄其民謠一篇使人知
真詩果在民間於乎非子期孰知洋洋我哉

豆娘子

豆娘子者蜻蜓之細也輕盈側媚羣游而寡忌
李子見之傷焉作豆娘子

汝何者物小而輕盈灼約悠揚朋從寡畏緇衣紺裳或
翠其衿或朱而黃嬉戲長莪窈窕水旁餐膏浴滋飲露
吞香才不我知謀靈自臧兒童撲弄姬媵憐傷豆卿子
卿娘子豆娘百卉隕零北風雨霜弱不敵威蚱蜢同戕

空同集卷三

二

肅肅鴻鵠雲海翱翔噦噦者鳳覽輝梧岡微末之蟲何
勞短長

榆臺行

其事在弘治乙丑年

榆臺高高風吹樹梢都搖搖臺下黃羊走黃蒿山頭看
看日落罽策四面吹軍中白旗身姓誰向前看有河河
水深彼不怕死我亦人力能拔虎尾人虎或兩存歸爲
鬼雄榮爾魂

白毛行甲申元日作

元日地動生白毛發春當暖風蕭騷天時尚然有錯迂
老夫何怪兒童曹君不見猛虎失勢人寢其皮惜也豈
復能咆哮我歌白毛比之董逃

長歌行

籠中鴨望水中鴨一鳴一荅汝雖有羽翼不如我汎淥
波食魚鰕奔萍拍藻入煙浦籠中之鴨心徒苦

禽言六首

泥滑滑車馬不得安何不停車繫馬待泥乾

行不得哥哥東有木公西王婆南面設營北張羅行不
得哥哥

姑惡姑惡小姑刺齷姑不樂新婦早煮舖低聲奉小姑
提壺盧壺盧提盛酒背母私餉妻妻可再得母恩罔極
瘦兒瘦兒汝爲上畱田汝爲尹伯奇獨行哀叫心內飢
日逐綠樹啄蟲蟻汝父汝兄寧得知

空同集卷二

三

不如歸去南山豆熟北山有黍

猛虎行

猛虎本居深山我可不入彼來亦難誰令爾今來市中
遊盡日攫人食撐腸拄腹無歇休我欲擊之刃不在手
欲往告泰山之君陸無車水無舟猛虎聞言向我怒我
命在天匪虎懼嗟嗟虎尙有時鴟鴞遺音寧爾知

董逃行

涉江登彼西山下看城郭鬱盤城中閣殿斑爛嘉樹一

何紛紛上有鳴鳥日暮間關遙望我心浩歎

一闌闌寂

闌民生何艱終朝缺突無煙胡彼來往翩翩綺衣車馬
可憐

二解

誰家起樓造天歌鐘舞管喧闐剝羊宰牛列筵

何但一食萬錢，倏忽日薄重淵。三明燈熒熒，爛堂繡幃。

雞舌流黃，樂人調瑟。未央千年萬歲，奉觴豈知老至。悲

傷四日月逝矣，不我留精。銷時往霜霰交流，繁華零落。

山丘心懽，意愛爲他人收。哀哉胡不德求。五

秋胡行

鸞鳥不可爲鴟，爾胡不思顏淵。輟歷尼父，見疑我今。乃

何敢望聖賢，人心憤悶。徒苦悲智，見萬里水清。終見

底一，高高山上臺。彼居者何，誰厥狀。蜿蜒伺人意，欲牽

纏汝。雖見其形，不見汝情。乃胡營營相煎，豈不聞我命

在天。二直道古難容，樹喬風集顛。周公有何疵愆，乃爲

四國流言。伯奇掇蜂，不爲父憐。迹有涉疑，惟賢知賢。三

空同集卷三

四

潔色爲妬媒，危言良見災。讒說久自明，非時麟聖哀。孤

松摧爲之薪水，東西流欽猶鬼神。四

君馬黃

君馬黃，臣四驪。飛軒駮駮，交路達錦衣。有曜都且馳，前

徑狹以斜曲。巷不容車攘臂叱，前兵掉頭麾。後驅毀彼

之廬，行我輿。大兵拆屋梁，中兵搖楣樞。小兵無所爲，張

勢罵蠻奴。爾慎勿言謀者來，幸非君馬汝不夷。

歆歌行

虎狼不可羣，日短途路長。魚瘠稻復澀，蔬芝雞鳳鶩。

之無恩澤，背面輒詆戕。錙銖苟不平，持刃起相傷。剽悍

復譎詭，水土性輕揚。哀哉茲土民，詠歌以難忘。

阪田行

阪田颺離離子母長寒飢昨聞接京軍征夫曷時歸特
生阪田樹下有往與來蔽裳四牡雖榮不如與妾共舖
糜網魚不施網孰能制魚死征夫歸來歸來不見靈寶
公安陸子

豫章篇

晨出南浦橋不見橋上樓但見火燒骨橋下水不流北
風吹枯樹枝無一人來遊妖鳥羣啄鳴啾啾汝何不此
地重起樓吳鹽大舶來越珍銜舳艫豫章之火心大茶

仙人篇

何者一老翁耳垂兩肩綠瞳方來此芙蓉峰招我同行

空同集卷三

五

聳身卽老翁授我玉杵丹攜手游洪濛東至泰山顛飛
瀑揚膏波青松陰石關飢噉掇瑤草渴飲玉屑泉晨朝
吸沆瀣夕憩若木間俯視九區內傷心淚汎瀾

升天行二首

九州非我居我思游冥荒飾輿驂玉虬乘氣切天翔朝
餐發匡廬夕暮嵩華陽上謁帝座側回旗拂天昌牽牛
擊河鼓織女方七襄

扶桑躍陽彩海氣騰瑤光六龍抗斗樞九帝開雲閭振
衣躡仙蹤飛轡鸞鸞翔仰身操天瓢手勺沆瀣漿朝嬉
太乙館夕憩玉女堂馳情覽八極縱目窮遐荒環運無
恆存逝代多隱傷回旌拂九曜捷步登文昌進謀芝蓋

側待問紫玉房羣靈贈大藥諸御傳神方無惜一粒分
遂令民壽康

洛陽陌

嚴飈卷枯藿霜隼厲秋翩翩駟馬子意氣一何赫朝
馳上東門暮徧洛陽陌臂彎兩角弓寶刀雪花白借問
此誰子無乃漢相如昔挈一束書今乘駟馬車虎士爲
執鞭縣令皆前驅傾城莫不嘆觀者填路衢舉手謝鄉
人榮耀但區區丈夫樹名勳所志在唐虞揚袂徑北去
萬里誰能拘

丹霞行

毀譽榮辱至海波何時平海中有仙山仙人築爲城金
銀爲室闕桂樹羅階生鸞鳥翔且舞美女稱飛瓊僮僮
擁我蓋王子左吹笙脚踏聊戲娛餐芝翫西傾

雨雪曲

冬十一月阻舟徐漢朔風北來雨雪紛下禽鳥凍寂洲
村肅夜纜夫來言衣單腹餓波流洞洞促船難駕我心
悽惻羽翼儻假一解七月燠土今幸雨雪往者難追來春
可沃我雖波阻心則怡懌購蔬城市貸米逾澤原阪蕭
條鴈鴻輯集貧士囟懷一陽環復二解青青者矜涉江我
求大澤寒冥胡子能來鸞鸞難飛潭網頓集網收魚跳
閱念寢食荒岑險艱豈我能處南紀凍肅返北于土三解

陽鳥篇

陽鳥攸居于渚于野飲啄紆徐行步閑雅我舟觸驚振
翰若雲飛之有序還集成羣陽生豫知延頸跂望舉翼
萬里雲羅空想

湖吟行

魚游于水游于水而鳥游于水飽之去斯雲昧湖窈冬
序際慄竟日無人草莽冥寂百怪鳴叫原隰誰主有一
曾夫荒濱守罔疑非恆人問之弗言汝胡者人單到此
間

虎欲齧人不避豪賢篇

吾之於人誰毀誰譽貌失子羽言失宰予知我者天君
子洗心行不愧影寢不愧衾何樹疑疑于眇之特有撓
俾鳴優風者惑漢申黨人宋嚴僞學冥鴻逝豫轅駒局
促非林何棲非淵何潛駟馬憂患貧賤德音富而可求
其從如雲徐子起欽顯者茂聞

獨漉篇

獨漉獨漉棄田求屋其屋雖大其人則餓小人在旁譬
如蠶竭恩之雖勤拜之則螫葳葳豔陽桃李吐英未曾
結實誰辨苦蜜錦繡圍廁過者掩口珠玉委途奚異塵
土臨淵趣輪臨壑振綏人孰不聞亦孰不知綦綯之美
不以爲纈身尊道高名爲雋傑

苦熱行

蘊隆焚如二儀爲爐赤曦鑠天塵沙沸途居奚諱袒行

弗擇憩魚伏於困鳥張其喙何物爲炭誰乎爲工橐之
鼓之金流石鎔閭風之顛瑤沼之陰廳輪扇涼冰壑嶽
峯下踏層雪上攀琪樹仙人綠髮逍遙箕踞俯闌人世
溷熱交毒我欲從之安得羽翼

口雞
雞鳴篇

風中
意高
清
雞
不
賦
絲
與
秋

雞鳴月落飄風振宇駕鵝曳陸翔鳥雲舉曜靈初出浮
雲翳止驅馬東行條其慨止

朝吟行

大與
紫
照
玉
無
如
知

亭毒既周明星有爛羲和授鞭九宇將旦寐者欲覺寤
者嘒嘆巉巉檜柏覆我中庭雞鳴於顛微霜夜零閭闔
未啟九闔尙扃馳神紫極振珩闕庭

空同集卷三

八

玄熊篇

猛士守四方四方塵不揚玄熊狂深山百獸皆遁藏

解一

獵火舉四澤虞羅互長雲毒矢積如蝟玉石誰能分

解二

熊皮充下御肉亦登君庖豈若犬與豨卽死無咆哮

解三

游子篇

游子在他鄉所願親壽考水犀游於淵惟願水長好瀾

石雖孤處不羨風中沙葛藟能纏繚不如絲與麻

豫章行

黃河雖大川所嗟源不清千里能一曲不如直道行王
允輔京室李杜垂其名介休巾角折乃爲時所傾

析薪二首

析薪如之何爰以析其理結交如之何相要在終始女
蘿施松柏女蘿千尺長結交不知心結交安得常
列曜垂四隅燦燦冒中土箕星乃好風畢宿復欣雨汎
觀愚哲士戚戚各有營哲夫計千載愚者終一生



空同集卷三

九

李空同詩集卷四

北郡李夢陽獻吉撰

樂府雜調曲三十四首

公無渡河二首

盤螭作川梁功奇勢難久魴鱉尾屣屣天吳戴九首

公無渡河河深不可渡中有白石齒齒嶄嶄兮我蛟

龍九頭戴角崢嶸峯窟兮水鱗鱗兮衝素波公無渡河

吹沙暮多風河伯築梁結兩螭汝無羽翼墮水中涉水

雖可樂不如登山阿噫嗟嗟公無渡河

空城雀

雙雀下空城穀穗黃離離二雀跳跟鼓翼啄穀穗其朋

空同集卷四

千百咸來集小者啾啾是其兒誰者翁嫗被髮曳鞵來

打雀雀薨薨飛上城嘈嘈鳴兩人恰欲抽身雀便復集

回頭罵雀辛苦長得禾汝忍飽之我無粒手中乏利彈

又茂網羅天旋日昏柰爾雀何

野田黃雀行

樂樂其所自生禽獸過其故丘悲鳴黃雀游野田焉知

鴻鵠高舉情鳳凰靡世見生長丹山依玉禾白於脂飽

之忽來飛仲尼逢子西乃被接輿譏

樂府石城樂三十四首

盈盈窈窕女當門是誰家十三學畫眉十五擅琵琶

中有盧家此女名莫愁向前問此女女聞雙淚流二十

嫁夫郎重門阿閣房臨窗種桐樹五年妾身長自渠下
揚州置妾守空樓悔不快剪刀斷水不東流

大隄曲

漢水白離離月落山黑時隄頭石不平走馬誰家兒儂
住襄門西而狂漢水北浮橋不著纜郎詎得儂識大船
何處來落帆向儂澣高鞞白恰子識是真州估

襄陽謠

一灘高一尺十灘高一丈湍急石巉魚何由上棹戕櫓
折俾我心愴順風沿水舉帆千里

白銅鞮

誰家池高陽池日暮歸倒接羅醉如泥汝爲誰拍手歌

空同集卷四

二

襄陽兒

襄樊樂

立檣如麻卿來誰家新燕營巢風中滾沙鳩鵲逐鴛鴦
金井石榴黃珍寶丘山積擅名黑門廂

襄陽浣婦行

彼誰者嫗吾家浣衣新寡寒賤鬢髮霜飛體無完衣十
日九飢態度則殊辯是知非嫗泣荅言妾襄宮女少小
入宮荷主憐顧四十始出嫁爲民婦灌田采薪奄就貧
竇舞裳綻污形容改故夫死男孺黎藿靡救嫗咽復言
侍襄定獻幾三十年王有義辭皇嘉特宣父子俱覲妃
嬪如煙鈿第載路龍旂飄翩御使絡繹珍車班班漢峴

同清天歌播焉袞烏南還層城言言鳥春日妍桂宮有
延傑臣觴壽玉娥奉筵王旣捐世變來罔度聞見駭異
古殿寂寞嫗勿更言萬類咸爾厥亦天道安之則已

鴈門太守行

鴈門太守汝何人治邦三月稱明神我有牛羊賊不來
掠我有禾黍人不敢割昔我無衣今有袴著我思禮拜
太守太守不見憐但聞太守身姓邊紫髯廣額聳兩顴
太守出門四牡駢駢後擁阜蓋前導兩麾行者盡辟易
居者不敢窺旁問太守胡所之云訪城南皇甫規

渡河篇

小麥黃黃河波君柰何今渡河昔君游此思君一見經

空同集卷四

三

旬累月不君一面君今渡河乃往何縣跂予望之淚下
如霰汀有鳧兮沚有蘭枝相亞兮居不單人生心事豈
有殫君慎動靜加君餐

黃鵠篇

黃鵠游四海倦言還故邦中路失其雌三年迺有雙鴛
鴦毛羽縟哉工鳳儔鶴匹渠豈同嫵婉懼娛殺酒豐琴
鳴瑟奏芳夜中樂極思來內忡忡驗新追故悲悔叢人
生萬事慎勿輕易狸鼠之能詎逮騏驥車牽美期谷風
興刺我心自知聿斯語誰

煌煌京洛行爲曹縣王子賦

時風布陽和韡韡華春木清朝富才賢藹藹冠蓋屬努

力競高路雞鳴起相逐白日耀飛轡流雲翼行轂同里
多彙薦一門有聯躅蹶彼曹南士雙雙皎如玉聚鳴各
當晨連翩一何急煌煌京洛內濟濟英妙集二郎紳委
蛇三四錦翕熠大郎雖未官俯身拾班級入室談仁義
出與卿相揖聲名既烜赫性行復剛執見者勿徒羨青
雲貴自立

南山篇

南山何巖巖上有孤鸞鳳佳偶永相失日飛夜悲鳴遺
腹生雛哺之良艱晨采竹實暮取琅玕吁嗟哺之良亦
艱雛成被九采翱翔覽四海四海覩光儀阿母亦榮輝
峩峩相公門屹與南山齊自有鸞鳳來綽楔增崔嵬相

空同集卷四

四

逢且莫言聽我南山篇

仙人好樓居三首

律律海中洲峩峩白玉樓上曾結浮雲下戴神鼉游前
檐蔭白榆青龍守門樞上有無始公餐霞煉金腴飛瓊
鼓玄橐浮巨扇其隅情閑覽八表出入服氣輿日月跳
兩珠回旋但須臾萬年永福昌寤言莫相念

謁帝華蓋側沐髮咸池旁巖巖雲中樓文杏裊爲梁黃
金走闌干銀闕前相望聳身若輕翼登之窮四洋四洋
北荒泐波瀾浩揚揚九州一何拘斂頽歸洞房屑玉煉
精魄用神無何鄉萬年永福昌寤言莫相念

乾鵲知來風靈人炳先幾超世構巍峩上與飛雲齊舉

手拂天河白石寒
離離牽牛不服箱
織女棄支機
孤鳥銜若華
東來欲誰詒
海水淺以清
俯之嗟嘆咨
眷茲勿輕道
翩翩眾鳩馳
萬年永福昌
寤言莫相忘

白馬篇

白馬紫金羈
揚鞭過市馳
萬人皆辟易
言是賣珠兒
生長本倡門
結交蒙主恩
寢食玉榻側
獨聆優渥言
取金大長秋
徵歌李延年
家住十重樓
珠簾白玉鉤
綺繡裁襦裳
妖豔無匹儔
片言卽賜第
意氣凌五侯

將歸篇

對面有乖絕
千里長相思
登高望來車
入門賦將歸
驚風何飄飄
獸兔莽間嘯
羣鳥各有趨
他鄉難獨依
獨依令人惑
悠悠浮雲馳
悠悠尙可道
霜露隕百草

空同集卷四

五

答客

子去有何見
來之奚所聞
願客且寧坐
爲子請敬陳
陳文夫志四方
出門轍同輪
人心投合諧
匪必鄰里親
長風會枯蓬
飄飄逐飛塵
旣東忽復西
聿誰究其因
引觴就岐路
有懷庶能伸

擬燕歌行二首

花稀葉豔蕙蕪芳
皇皇溥原修且將
陽浮野曠雲飛揚
風沙眯目燠氣黃
禽獸阻飢狐在梁
興言送君還故鄉
牽袂欲別立徬徨
延視極騁中自傷
締交心違隔肝腸
爾去孰予共
杯觴蘭橈桂柁文
荔檣逝哉汗漫凌
洪洋

安能假翼東南翔何人贈君紫玉璫又何贈之雲錦裳
永言嗣茲無我忘

銀河耿耿秋夜長牽牛織女限河梁終日弄杼不成章
延頸北望涕沾裳自君別我之他方錦衾燦兮獨空牀
北風發發天雨霜鴻鵠垂翅不能翔谿谷天寒林樹蒼
道路欲歸多虎狼人煙斷絕乏資糧爲君憂愁斷肝腸
思策良馬逝君旁中道失路河無杭攬衣踟躕夜未央
願爲浮雲歸故鄉

芳樹二首爲上海陸氏賦陸出東坡故硯姑蘇
全肩筆索予面賦一字起十字止

嗟天運春奄暮翩翩者鳥集于芳樹芳樹生路隅車馬

空同集卷四

六

一何多朝看桃李華夕看桃李柯爰登高丘以望遙見
長安綺樓樓中美人彈瑟如聞三嘆未休客乘白馬繫
樓下秉燭置酒娛夜游美人贈我錦繡辭把玩不異珊
瑚鉤林陰溥露羅袂薄明月照闌那可畱嗟乎人生何
不共努力君不見城鴉哺子忽生翼

前缺八字句此篇足之

猗君子道爲貴貪夫所欽駟馬高蓋東家雖椎牛不如
西家齧雖有文馬千駟不如西山啜薇猗嗟富貴良何
爲瞻彼青青兮陌上林穰華灼灼兮一何早涼風有時
漂搖來吹汝坐見淒淒白露滿芳草願采青松寄情親
於遠道

鳴鴈行

鴻鵠高舉摩天飛渴飲沆漑餐靈芝翅拂日月雲爲衣
卽有矰繳安能施下游滄海高河漢我思與爾時相見
羽短毛長何足辯

知足吟

衡門可栖藜藿可飯錦綺雖麗韋布自暖車馬雖貴豈
若仰偃下覽林皋上陟巒巘靜倚垂虹憩目送行雲返

直如絃

直如絃死道邊相逢且勿喧敬聽古人言子雖抱良璧
暗投誰爲惜撥蜂尙見疑何況不相知種桑爲得衣種
穀爲得飽結交不得心不如絕交早

空同集卷四

七

采菇曲二首

眾星欲沒月模糊人家河上起相呼相呼相喚采秋菇
問渠早起緣何事此草日出化作田中枯采菇采菇君
早歸霜寒露重溼人衣藍田白玉非無種不似商山好
蕨薇

白如玉玉簪香如玉田禾行人且莫行聽我采菇歌儂
家住荏黃河曲一日波濤怨殺河河來有魚去有麥麥
下秋霜菇菜多不求河向城南去只願年年河不波

雙燕篇

雙燕來故室不見阿母語穿窗入幕尋阿母哀鳴欲棲
還復舉喃喃止翠桁徘徊拂素幃浮塵積玉珮斷蘚生

畫衣雙燕年年春社來阿母阿母何時歸

賦得古別離送龍湫子

盈盈楊白花汎汎綠波水化爲浮萍草乃與人相侶飄
泊無根蒂隨風任流止今日歡聚客明日條千里千里
異鄉縣有時復相見心情豈固殊所嗟形色變一見復
一別少壯頭盡雪老大未足傷願言崇令芳

史烈女

史烈女者杞史氏之女也未嫁而死其夫是踰
禮以守信破經而成仁者也李子曰史氏女有
激俗之功焉然予聞其言矣於是乎述

空同集卷四

八

明有塵時水覆無收理古昔華山畿行人下馬拜春風
兩蛺蝶綠草搖衣帶

孤鵠篇壽程生大母

有孤者鵠毛羽蒼靈氣勃勃吞秋霜飢餐玄圃禾渴飲
瑤池漿朝從金母游夕挾飛瓊翔生有二子二子生八
雛雙雙崑崙之巔漱芳茹膏餐玉腴上下嬉紫虛青鳥
爲伴文鳳俱俯視鵠鵠何啻萬萬輩啁啾啾啄
腥穢

李空同詩集卷四終

李空同詩集卷五

北郡李夢陽獻吉撰

樂府雜調曲四十六首

塘上行

蒲生何離離過時采者稀莫言采者殊盛衰自有時解一
昔與君相見不謂行當變讒言使交流水清石自見解二
孔雀東南飛十步一徘徊羅鷺羽翼短安可作雄雌解三
今日樂相樂飲酒行六博蒲生枝葉多中心亦不惡解四

豔歌行

杲日出扶桑照我結綺窗綺窗不時開日光但徘徊解一
通阡對廣陌柳樹夾樓垂上有織素女嘆息爲誰思解二

空同集卷五

步出郭東門望見陌上柳葉葉自相當枝枝自相糾解三

甄氏女詩

予讀魏記見甄氏女失身以讒被誅卽其絕鳴
之音至慘戚不可讀而竟以讒死悲夫然卓氏
女亦奔相如作白頭吟何所遇懸絕也陳思王
浮萍詩或稱託風於甄氏比之長門成敗異矣
豈非事人者之永鑒哉

種樹高堂下枝葉何雷雷辭家奉君子置我青雲樓一
朝意乖別棄妾忽如適昔爲同溝水今向東西流獨守
結心脾夕暮不垂帷明月鑒玉除清風一何悲曳絢立
中庭仰見明河湄明河光不回念妾當何依沈思仰天

嘆淚下如斷縈

師曠歌二首

詳見樂書

宮筵肆兮哀絃拊玄鶴降兮鳴且舞呼煙侶兮嘯雲友
誰能爲此師曠子

右玄鶴歌

招白雲兮會天鬼雨冥冥兮風不止君好音兮徒自苦
民悲嗟兮離棄女

右白雲歌

五仰詩五首

余懷五嶽尙矣婚嫁未畢頗有向平之嘆太史
公曰高山仰止景行行止卽未能至心竊嚮往

空同集卷五

二

之於是作五仰詩焉

我所仰兮在華山側身西望阻秦關蓮嶺阻修徒離嘆
仙人贈我白瓊丹翳三秀兮吟葛覃我欲從之途路艱
西望咸陽涕潺湲

我所仰兮在衡山側身南望阻荆關祝融峒亭心悲酸
仙人贈我赤瓊丹婆娑桂樹山之間我欲從之途路艱
南望洞庭涕潺湲

我所仰兮在泰山側身東望阻齊關南有龜蒙東肅然
仙人贈我綠瓊丹招我東游扶桑間我欲從之途路艱
東望河濟涕潺湲

我所仰兮在恆山側身北望阻燕關飛石岑巉不可攀

仙人贈我黑瓊丹帶星辰兮佩鳴環我欲從之途路艱
北望鴈門涕潺湲

我所仰兮在嵩山側身遙望阻韓關企余望之良匪難
仙人贈我黃玉丹手持金光翳華營我欲從之途路艱
遙望綠城涕潺湲

淋池歌

翩翩黃鵠玉距金衣飛引兩雌來下我池肅我徒駕我
舟折荷花兮擢中流女揚歌龍豹馴陽阿雜進齊謳陳
會鼓擊樂未央皇家萬壽民阜康

招商歌

荷爲蓋水爲車女豔豔兮繡帶舒辟陰館坐陽渠招涼
空同集卷五
三
風兮吹玉竿吹玉竿感心志晝卷夜舒蕩人思榮景沈
凝霜零仰首太息沾我纓

順東西門行

慨人生七十稀來日苦奔去難追賢子孫富家資耳聰
眼明心寡悲酒既清散核時首春禽鳴梅滿枝人道成
世運熙乃今不樂當待誰召同姓請鄉耆鼓瑟飲醅祝
期頤

妾薄命

蘭房宵宴燭舒明今者不樂歲其征豈伊異人惟友生
金杯玉盤散雜呈恃容驕愛各極情任心屬懼密意傾
美人顧予獨目成烏履雜蹂香澤傳額瞬目語中意宣

主稱千壽客萬年攬衣起舞體仙仙燕翻雪回臻極妍
羅濡穀潤汗沾顏履遺珮絕立未安滿堂稱能鐙屢前
金爵弱腕未勝持相擎袖遮情語微促尊前席影齊移
繡裾珠被光透迤耳後懸瑱何纍纍皎若芙蓉出綠池
贈我彤管親所將車疑馬停仍罄觴德音愛深結肝腸
醉沈獨言猶不怠歸室自解鳴玉璫九華流蘇雞舌香
合眼宛在君之旁覺來微月鑒空牀起視北斗長闌干
踟躕露晞日上山義成愛施良獨難悲思嘆息淚汎瀾
佳人絕代惜玉顏情會恩離摧我肝願託錦衾終此懽

苦哉行

從軍北到長城長城草枯窟不平十月風發霜霰零人

空同集卷五

四

鬚馬毛冰結成東歸太行踐羊腸斫冰煮糜巖谷旁攀
枝掩淚瞻故鄉紅顏搗素怨夜長悲離恨阻斷肝腸破
鏡何時飛上蒼

嗟哉行

人言高樹多風羣鳥巢其顛勁幹從來易折弱者永其
年蘭茝雖異眾草秋至同一零君子不愛其身身屈名
乃成

朱榴篇

朱榴雖擅名不與眾草爭春陽炎天眾草死朱榴吐豔
何揚揚緝瓣攢葩不結實可憐此物終拋擲

行路難

錦筵翠蛾心莫疑色銷言忤情遽離偶投響諾山嶽移
背面詆訾孰復知川塗憂風備其舟彼風東西流波翻
浪側時不休泊船倚岸纜樹根彼何者鳥翻然喧願置
此曲令心煩

白紵詞三首

鐙繁月明夜何長華鞋鳳髻曳鳴瑞裊雲流影歸洞房
引商刻徵斷人腸金鞭騶馬立傍徨解衣酣酒歌未央
夜闌雞鳴不下堂

天河爲橋一水長雙星怨夜遙相望玉簾金第衢路旁
塵暗鐙殘芬秀揚轉眸明月低西方墮靨流鈿飄碎光
馬停車駐空斷腸

空同集卷五

五

五更月微含素波飛霧英英沒絳河桂宮蘭室棲玉娥
外極金鼇萬象羅萬人齊和一人歌生丁福運民太和
竟日爲懽豈足多

賦大隧

賦大隧兒賦隧中母隧外母思啟段段已舉不及黃泉
是何語潁人不來其奈汝潁人不來猶之可俎上分羹
痛殺我

公儀休

園中豈無葵相公柰何飢相君卽無衣不愛室中機相
君千萬歲請治相君棲桓公霸諸侯管氏有三歸

青陵臺

兩山當中開露出青陵臺北山雖張羅南山鳥不來我
在南山自有匹馬牛之風豈相及吾頸可斷志不易

射潮引

錢塘八月潮水來蛟龍奮怒濤爲雷天旋地拆不可止
此中云有鴟夷子何不張爾弓挾爾矢射殺鴟夷潮可
止君不見潮水年年八月來萬弩射潮終不回

汝爲我楚舞

汝爲我楚舞吾爲若楚歌黃鶴翼成將柰何黃鶴一舉
橫四海君王豈有四海羅君無四海之羅安用此殃君
美人毒君子

博浪沙

空同集卷五

六

博浪沙中挈椎走鴻門帳前撞玉斗誰謂張良貌如婦
赤帝子起鞭赤龍臣也請歸從赤松赤松子在何許君
不見朝烹狗暮縛虎

左袒行

陵曰不可平曰可安劉者誰勃與我產不信祿不入軍
右袒計安出

申屠嘉

鄧通小臣敢皇侮錯也何人毀廟堵臣欲戮通帝弗許
請收錯誅帝罔含血自殲報皇祖

轅下駒

鄭當時轅下駒韓安國兩首鼠禿老翁竟斬汝廷臣不

語淮陽語君不見金家婦王家女一言殺兒還殺母何
況區區老秃且

栗太子

燕燕汝今銜泥向何縣遮天蔽日過長安堆泥作冢高
如山飛來未央宮銜取梁上土黃口見母來啞啞張吻
索蟲哺

赤鳳曲

前赤鳳後雙燕頭岑岑兮尾涎涎組幘郎君夜相見相
見騎白馬驚起城上烏城上烏據巢食兒夜相呼

雷之奮

雷之奮翕兮張山之陽發坤藏闢哉昌羣龍載浮列缺
空同集卷五

七

光列缺光炬中土惠甘雨介稷黍聖人垂衣民歌舞民
歌舞祛禍苗飢而食飽斯嬉厲鬼潛滅維福基

鳳之升

鳳之升附龍雲儀萬方昭帝文昭帝文承宗禋安如山
翕如坤兩宮豫協天神地臨朝秦雲門夏鳴球笙鏞振
昭四方明萬民萬民愉庶物亨陰陽熙乾道成乾道成
皇業昌軼周妣纘塗戎臣稽首歌雲龍

月如日

月如日光如輪輪五色續哉紛貫紫霓揚風翎扶太乙
侵紫庭化爲白氣干天經張我弧挾我矢祛祲滅妖天
下理

子夜四時歌八首

共懼桃下嬉心同性不合懼愛桃花色妾願桃生核
柳條宛轉結蕉心日夜卷不是無舒時待郎手自展
右春歌

獨夕玉階側仰看三星爛畏熱不歸房徘徊夜將半
驚棹出驚流回橈戲清泚擘破芙蓉花中有雙蓮子
右夏歌

涼風吹玉樹團扇置不理儂亦有涼熱何況戴冠子
摘葉裏流螢應手葉先落本無牢根蒂虛怨秋霜薄
右秋歌

郎住西水頭妾住東北許何能冰遂合永免風波苦
空同集卷五

雪飄悵難行室邇阻相覓不畏風色嚴畏此雪上迹
右冬歌

車遙遙遙復邁邁望見秋塵起不見車輪轉知在秋
塵裏

幽蘭
幽蘭敷紫莖羅列生堂基踰時君不采隔情當怨誰
掌上舞

晨遊憩陽館夕宴戲風臺盈盈掌上舞飛飛素雪回

李空同詩集卷五終

李空同詩集卷六

北郡李夢陽獻吉撰

五言古詩四十六首

雜詩六首

燿燿雲中電流光西北馳僕夫夙嚴駕吾欲遠游之出門履微霜四顧何茫茫豺狼當路送鴟鴞薄雲翔改轍理方舟欲逝川無梁俛仰歲將宴愴惻涕沾裳西國有佳人獨立青雲端容豔若桃李左右佩芳蘭含思理玉琴泠泠一何閒更節有餘悲曲終再三嘆借問嘆者誰中意難自宣沈吟攬衣帶仰視鳴鶴翻思阻望不申何況隔丘山

空同集卷六

一

稅椽蝕以傾梁棟誠獨難流言播四國周公有疑患涼飈激頽景奄忽不可攀眾羽日續紘朱鳥戢其翰殺身苟無益去去從所安傷哉式微詩千載起余嘆

明月照我懷耿耿殊未已霜雪委如山悲風中夜起攬衣仰天嘆涕隕不可止卞生抱荆玉捐軀剖終始青蠅倏來集白黑反在此城闕屹九重浮雲日千里我欲竟此曲此曲悲且苦

淒霜變爲電二氣斂而藏天道有代謝人謀豈恆臧北杓酌元化亭亭自低昂上帝棲紫宮眾緯錯以行謂山蓋高有梯可陟謂淵蓋深有舟可涉自非雙黃鵠天路安可躡

茅以韜爲席柏以勁爲薪君子憂治世愚者幸不辰張
宜以待兔雉也留其身物理雖云殊罹脫各有因浮沙
卷奔藿朔吹揚驚塵日暮臨大道悵望曷能陳

發京師二首

正德二年春二月作是時
與職方王子同放歸田里

驅車彰義門遙望郭西樹冠蓋耀青雲車馬夾廣路威
風何赫奕各蒙五侯顧回飈動地起白日倏已暮棄擲
委蔓草榮華若朝露良無金石交人生豈常故絺綌足
禦冬誰念執與素懷彼白華篇氣結不能想

蔦蘿附松柏枝葉固相因行子戀儔匹況遇同鄉親北
風起河梁日暮多飛塵攜手同車歸駕言西適秦道遠
長渴飢客子懷苦辛仰瞻天漢流夜永不得晨驂馬媚

空同集卷六

二

其曹鳴鴈各求羣明星出東方照見車下人夙興卽往
道登彼高路津還顧望京邑愴焉何所陳

七哀詩

問客何方來四月發回中繁霜隕百草樹木如寒冬客
行一何遙客顏一何憔悴舉目望關山關山鬱蕭條少壯
盡乘邊崖谷何寥寥戰馬不解鞍弓矢常在腰碩鼠走
空倉城上狐狸跳咄咄勿復陳更問北來人六月天雨
霜哀哉生不辰

與客問答二首

門有萬里客顏面帶風霜左右佩雙鞬意氣何揚揚問
客何州士逝將之何方客亦不顧云但言開中堂手持

一書札口口稱故鄉長跪受書札草字八九行上言親
戚故下言別離傷

長跪牽客裾故鄉今何如客起長跪言故鄉不可居墳
隴旣蕪沒寧復識田廬鄰巷鮮故人族屬半丘墟巖巖
高山谷今爲官路衢主人聆客言涕泗交漣如離鄉三
十載少女爲人姑邇者日以親遠者日以疏狐狸知故
穴牛馬知故法願爲連理樹託根北山隅

衛上別王子二首

晨風應候至雞鳴各嚴車我今游宋中子當旋舊閭僕
夫理前綬轅馬悲鳴趨一別阻秦周相望萬里餘首春
霜露重厚汝征衣襦昔爲同袍士今在天一隅故者日

空同集卷六

三

以遠疇能察區區

稅車朝歌里送子輝水陽羣鴈起高飛凌風各分翔敦
交多故懷況乃憂故鄉征夫愁短日去馬知路長童童
孤生柏結根南山旁願言采此柏遺我心所當良無白
鵠翼何以得高頡

贈徐禎卿

獨處忽不懌攬衣循東廂樹木何修修春風起飄揚我
友駕在門告言適江湘倉皇挈玉壺追送臨河陽顧瞻
兩飛鳧並戲水中央翩翩厲羽翮鳴聲一何長柰何游
客子一別永相望時澤亮有周天命固其當薄終義所
劣別離庸詎傷懿彼回路贈慷慨申此章

贈王舍人昇二首

迅風激高雲朝日照嘉林良友忽遠適惻愴摧我心川
原望靡極江路浩且深殊域寡親戚孤子故難任荼蓼
積愈苦淚下不可禁

攬淚瞻林木譁譁敷華葉層闔帶廣陌車馬暮相接駢
裾多高會誰念獨守妾豈不思方舟川廣不可涉葑菲
遺下體舉世重紅頰勸子且寧志爲恩孰周浹

又贈王舍人四首

送美城東陌還車望上陽觀闕百餘尺蓉城鬱相望同
在天一隅子今旋舊疆經子故所居我馬立徬徨
徬徨亦何爲悵望遠行客枯桑號天風時節倏復易簪

空同集卷六

四

紱匪我榮棄置安所惜願爲東南風遂附高翔翮
勁翮無羣棲靈根豈叢蓍人生非苦匏安得常相見動
息各有因況乃異鄉縣徘徊岐路側仰視雲中鴈
鴈征會來歸君行何日返驚風飄馳光歲月忽已晚登
山采白苓遺我心縑綵上言制頽齡下言助餐飯

贈劉元瑞五首

哲哲吳中娥奕奕宛清揚邂逅此堂隅瞻顧兩回翔攘
袖發浩齒列坐無高倡行雲爲徘徊順風託馨香周席
莫不嘆側目在流光何意芳盛年峻義明秋霜於禮誠
銷薄銀漢徒相望

矯矯雲中鵠忽忽晨南翔連翩客游子駕言逝何方霜

露日夜零東路悠且長意欲從子逝我馬玄以黃徒思
諒無益欲置難遽忘愛子千金軀雙親在高堂
埋輪國東門駕舟越洪洋晨發天北隅日夕至建康皇
居槩太清陵樹何蒼蒼白馬服衡軛飄飄過路旁敦交
豈獨薄貧賤多顧藏所志在寧親榮耀乃其常
青陽獻嘉歲玄鳥鳴我堂遠子念行役驅車發南疆豈
不誠辛苦王事切中腸蹢蹢沂原薄拊劔何慨慷羣形
冒休澤朽榦揚朱芳君子法天造小人曷能臧
回車太行谷結轡登羊腸羊腸何崔嵬俯視見大江大
江日東注游子悲故鄉故鄉復迢遞欲濟河無梁晨起
振我纓駕言行朔方丈夫貴榮名臨路徒離傷

空同集卷六

五

贈徐陸二子

清晨思行游駕車郭西門凝霜被野陸莽莽多荆榛霖
雨不歸川四顧無行人何意岐路側悵然獲所親晤言
不須與含意俱未申雲間富才傑具區產名珍一爲時
所知光耀在青雲情交苟不劣窮顯非所論感激平生
義匪爾誰當陳

申州贈何子

翩翩雙黃鵠凌風各將去哀鳴岐路側一步一回顧何
異同心子失散在中路別君倏五載我髮忽已素今逢
不須與趨駕一何遽臨分但踟躕道語不及故山川何
悠悠白日奄欲暮努力愛玉體慰我長思慕

贈康修撰二首

晨步城西岡遙望終南岑荆棘高蔽天白曜翳以陰雞
食鸞鳳飢蛾眉讒妬深葑菲遺下體一別成飛沈出門
眺四郊莽莽悲風吟海水有可測傷哉誰諒心

少陰盛霜雪崎阻鴻鴈飢荷斧入林谷日暮誰共歸林
樹窈冥冥徑路多虎羆北斗橫塞岑邠野風振悲欲往
河無梁念子忽如迷榮耀在須臾亾沒誰復知思附玄
鶴翼從子以高飛

贈王生滇南

人生如枯蓬團團隨風轉朝猶同一隅夕暮異鄉縣鳳
凰擇林游奮翼思高飛一飛萬餘里路澀常苦飢岑巒
造青天蹊礪何峯移食尋竹實餐棲必梧桐枝德音儻
不隳慰我心所期

空同集卷六

六

送姪木北上

羣鴉競時食孤鴻獨高翔丈夫四海心誰能安舊疆杖
劍辭所親策馬登前岡歲晏霜露繁原野何茫茫草枯
禽獸飢潢潦浩以長感吟悲兼葭試鳴候朝陽勗哉樹
名勳念茲西頽光

送秦氏

秦名文字從
簡台州人

健足慕千里倦翮常卑安陶子重折腰貢生乃彈冠黃
龍日南游長江浩瀾瀾竹實匪不甘鳳孤誰爲歡故廬
倚青松懸崖激鳴湍返眞謝形役庶以成盤桓

送谷氏

零雨晨微微艾葉何旆旆端居輟中憂駕言送征邁黃
河流湯湯飛雲下燕代臨汀羅觴俎趁景徙傾蓋轅馬
望路鳴僕夫整衣帶孰非金章客子也獨所愛行行樹
聲猷及此明良會

別李氏二首

逸禽恥淹棲良駟競先步出門有行游諸所豈得顧辭
燕戀舊壘渚鴈企高鶩情離誠有粹心期固其素匪無
便儂子新人不逮故脚躡野颺夕分手卽前路
前路乃何之迢迢夢雲澤霖雨暮戢戢屬子且停軌隕
捧委川徑潢潦浩以白熒熒雙龍劔佩服我所惜水行

空同集卷六

七

蛇蟲匿陸邁虎兕辟願言奉心懽庶與備朝夕

贈甯氏二首

野苒萎平吟寒露一何早凝霜一以零蘭蕙亦眾草美
人中夜興憂心怒如擣玉石誠靡別妍華恃疇保瑟瑟
谷中松見者豈不寶良無匠氏顧嘆息歲將老
白日何冥冥送子黃河陽執手無一言仰見雙鴈翔處
卑心因怡奮飛多中傷撫劔兩脚躡低頭涕沾裳天運
有銷盈志士懷剛腸去去愛景耀離別固其常

送閔氏

怛怛困暑溽悠悠抱中戚時蟬邇戶響流汗揮復積登
高散我憂忽覩遠行客爲問客者誰是我心所懌律律

佇征雲迢迢逐歸翮孰無室家念忖爾懽聚夕伊余胡
寡仇玃玃痛離析

長歌行贈房氏二首

捷步競先鳴達人貴沈綫鴻鵠翅摩天於世常高飛煌
煌冠蓋朝疏也乃獨歸誰云傷秋子而爲鱸魚肥彼哉
枌榆儔豈知千仞輝

瀾瀾夏川廣驚風夕揚波眷言送誠歸軒騎匣中阿倦
鳥故林趨獸離懷前窠君看纍纍實豈復華其柯皓首
聲利途攸見無乃頗

憶昔行別閩侃

憶昔少年時遨遊咸陽都邂逅塵埃裏相邀入酒壚半

空同集卷六

八

酣擊劍起挾彈青門隅風蓬離本根奄忽浮雲徂聚散
良靡期晤言誰復圖濛濛零雨辰悠悠梁園途翩翩白
馬鳴藹藹朱華敷昔逢美姿顏今也白頭顱中藏難遽
宣相看但捋鬚前路浩崎嶇愛子衰暮軀

贈沈氏二首

辭馬鳴故羣羈人戀心知身也匪木石孰無懷與思藹
藹軒蓋途才捷競先時冥冥歸林翮爰集非無枝龍蛇
悟易訓蟋蟀感唐詩情感辰靡延把袂竟河涯贈子金
錯刀申子古別離德愛誠匪他邁君豈無期

旦日子當發淹雷復今宵良乏美盤餐爲君品鳴簫君
如巖下松霜實顏不消眾草苟移時化爲艾與蕭聆曲

復不憚倦焉傷迢遙攜手步前庭仰面看招搖巢子潛
箕陽四岳俞唐堯願言修九苞曳佩鳴天朝

送蔡帥備真州三首

晨飈下嚴霜波水白浩浩雞鳴人語動趨駕恨不早出
門望原野四顧但衰草這場一何寥驚鴈鳴寒蓼老驥
志千里烈士輕遠道臨事毋謂難爲善豈在小

颺舟逾長淮登陴望大江氣勢何鬱盤皇矣真我邦宮
殿槩高攄山變青蒼橫飈靜霜夕天塹如沸湯時平
智士拙貨賤良賈藏無言邊境勦靈居亦慨慷

隕霜凋楓林澤藪莽虞虞結徒策青驪行狩聊我娛左
發殪玄兕右捎仆文駮插羽坐草間飲酎炙鮮腴川光
夕明滅鴈鷺風叫呼立馬千仞岡仰送浮雲徂彈劔問
所私何如李金吾

空同集卷六

九

晉士出
空同集卷六

夕明滅鴈鷺風叫呼立馬千仞岡仰送浮雲徂彈劔問
所私何如李金吾

門望原野四顧但衰草這場一何寥驚鴈鳴寒蓼老驥
志千里烈士輕遠道臨事毋謂難爲善豈在小

李空同詩集卷六終

李空同詩集卷七

北郡李夢陽獻吉撰

五言古詩五十六首

時命篇

代馬不戀越荆禽豈巢燕鶴鴝渡汶水君子憂未然奈
何客游子率爾辭故山行獸顧丘林出雲有歸還交
聲利途軒車日駢闐誰念牛下人悲歌夜中嘆豪門有
棄襦我衣恆不完張儀懼諸侯泄柳乃閉關貧賤豈盡
愚時命當自安

述憤一十七首弘治乙丑年四月作是時坐劾

壽寧侯逮詔獄

空同集卷七

天門鬱岌羸虎豹守其隅番番九苞禽頡頏舞雲衢銜
書奏至尊青龍與之俱光夕絕還響徒倚空愁予

帝居杳何許蒼蒼隔九闈白玉爲阿閣黃金爲重門可

望不可叩仰見飛雲奔何當發炎旭下照孤葵根

鞞響久不作烈士常苦辛魏裾已寂寞漢檻空嶙峋邈

焉向千載矧留懷斯臣皇心苟識察百死寧一身

懸車曜回景夕風起喬林撫茲散沈憂浩蕩開重陰回

翔瞻闕門躊躇思玉音宵坐熠明燭懷古傷我心

大化罔不虧人生固多艱汎觀疇昔人浩然發憂嘆自

非餐霞侶伊誰駐朱顏律律南山岑拂衣會當還

孟夏草木長垂雲一何淒零雨宵始歇西山朝復躋兀

然坐高春時聞鶉鳩嗚逢辰寡宿懼履運傷前迷既無
杯中物何以寫我悽

飄風自南來颯颯入我懷我欲隨之翔北向三重塔守
閨遙望子閨闔何由排戚戚勿重陳危言多厲階
夕雲鬱崢嶸頽陽入西丘返景漏林端明我屋上樓靜
久得玄理源澄復何求永懷鄒陽子聊以抒我憂
苔井肅陰森嶽廟闕以清車前當路翻紅葵夾階生羈
人散煩疴紆徐步中楹時禽變好音庭柯敷夕榮詎知
沮洳場曠然獲悠情

青青廟中槐交交一雙禽爲巢育其兒結構良苦辛一
朝驚彈羅移棲向高林我行適見之嘆息空彌襟

空同集卷七

二

湫宇夕陰陰寒燈焰不長氣棲遞微明飄忽如清霜入
云網恢恢我胡寓茲房墉鼠語牀下蝙蝠穿空梁驚風
振南牖徂夜倏已央於是不成寐展轉情內傷

小草生枯桑芊芊競芳辰雖云殊本根寄託各有因自
我罹幽囚忽焉經浹旬我兄千里餘渺渺長河津妻子
日望余蒼蒼隔西鄰所幸二三友笑言越昏晨宵鐙促
燕膝昵語忘苦辛患難苟相得毋論骨肉親

檐月何徘徊晨風復依依載言別同居倉皇倒裳衣處
者各惆悵去者從此辭挽手刺刺語寄言家中知丁寧
故與親願勿長相思明明昊天威我久寧在茲

皇矣彼上帝赫赫敷明威四序舒以慘中有玄妙機燭

龍躍天門一朝景光回昔爲霜下草今爲日中葵稽首
沐罔極欲報難爲詞

明月出東方徒行反家室室人走相訊問我何由出明
知非夢寐欲辯仍自失喜極雙涕零轉面各銜恤垂銜
照緜卷浮埃滿朱瑟愁言卒未傾忽復見晨日

鳴鑣踰廣陌執簡謁形闈道逢相識問倏如遠行歸虎
拜閣門下龍顏霽晨輝二后邈以迢吾皇嗣其徽從諫
如轉丸旁求炳先幾令聞洽四國壽與南山齊

臣本草野士弱冠承恩私黽勉簪紱間低回赧容姿直
湍寡回波勁木無弱枝天運不易測物情諒如斯修塗
方浩浩駕言赴前期

空同集卷七

三

離憤五首正德戊辰年五月作是時闈瑾知劾
章出我手矯旨收詣詔獄

采采河邊蘭鯉魚何盤盤念我同胞人訣絕摧心肝事
變在須臾浮雲逝無端臨發路踟躕誰敢前爲言原鶴
抗高聲我行何時還十步九回頭淚下如流泉

練練晨明月鬱鬱風中柳蒼茫遮我車識是平生友感
君故意勤贈我雙瓊玖虎狼夾衡軛狐狸草間走東方
漸發白聊歸勿爲久天威煽方處君子愆其口

北風號外野五月知天寒海水晝夜翻南山石爛爛丈
夫輕赴死婦女多憂患中言吐不易拊膺但長嘆永夜
步中庭北斗何闕干裂我紅羅裙爲君備晨餐車動不

可畱佇立淚汎瀾願爲雲中翼阻絕傷肺肝
驅車重行行前上西山陸白日忽已冥歸鳥來何遲飄
風吹征衣北逝方自茲行路見我行不行爲嗟咨苦稱
途路澀君子莫何之欲訴難竟陳天命自有期

結髮事君子締結固不解青蠅玷白璧馨香逐時改恩
阻愛不周棄擲良在此紅塵何冥冥白日淪西海對面
有訣絕何況萬餘里得寵各自媚誰爲展情理謊言方
媚興君子慎其始

赴江西之命初發大梁作

戚戚辭故里盛陽遠行游入門揖兄嫂征馬已駕軻日
午登前岡浮雲逝南流零汗透衣巾僕夫行悠悠軀微
懼命重慷慨但懷愁還望故所居匹鳥鳴相求而我獨
何爲道路常懷憂

雜詩三十二首

英雄樹大業奮志常慨慷捐身赴國仇效命爭戰場明
甲耀皎日挽弩千石強矢石下如蝟殺聲如沸湯被刺
目不逃阨危氣益昂雄名輝冊符生死固其常

大司肅制度鴻儒振英儀生殺原異門爲猷視厥施義
冠巍堂上巧笑芙蓉姿狐心生暗鬼耳聞佯不知膏梁
媚妻妾無賴充王師白刃起如林狗馬用羈縻榮達信
有命嘆息將奚爲

共工觸山折夸父去無還媧氏懷憂傷鍊石思造天妖

姬鼓哀瑟嬉戲玉臺間草昧怨無侯哲者中自煎小鳥
填巨海蘆灰遏洪川力誠有不及心情良可憐

昔余曳鳴珮謁帝叩天閭聖人垂袞衣賡歌庶事康鼎
成不我顧奄忽驅龍翔生死變化理反覆開存亾榮華
有銷落連茹切微霜晨朝在須臾返車棲扶桑

命駕將何之意欲快我心蠻方亂如麻匈奴寇榆林揮
劔誓俱亾彼軍忽如沈豈爲尺寸勳國仇怒至今崑崙
貢織皮鴟鴞懷好音功高固不賞讒妬來相尋玄鶴靳
高鳴於世常激昂一逝聲影滅誰哉見孤頑

登山望四海日夕忽至沈俯身眺城廓痲然沾我襟交
路夾芳蘭逝駟何駸駸朱樹藹間榭奇巧媚荒淫北里

空同集卷七

五

進異舞高唐呈妙音織羅振芬芳朝雲遞嘉吟不見秋
至草零落愁春心

兀然坐空堂戚戚恆竊悲曠世懷一鳴燕雀翻見欺惡
名收范公文致詆朱熹身親罔自明萬世余焉知霜露
隕華草顛顛今其時百年俟論定恃此良可嗤

倚閭遲佳人日莫期不來拂衣舍之去去上延秋臺旗
旌蔽原坂鼓角鳴且哀黃鵠翔不下腐鼠鴟見猜壯士
憤國難撫劔但徘徊白日倏西傾愴惋肝肺摧

灼灼綴枝華榮豔一何好朝陽溢其葩餘光照寒槁冠
蓋沓衢路致身競先早磬折名譽場銷鑠成醜老一夕
不復晨隕落隨秋草逍遙可竟世繁華詎足保

陽回杳無朕朔風振江郊翩翩者何禽銜枯創新巢長
短有成理環也特其遭窮者非盡愚顯豈皆賢豪羲陽
奄西馳今夕明復朝如何途路子得意恆自驕

無榮亦無辱倚伏還相隨韓侯嘆良弓寧復歆昔時華
春敷明陽各豔容與姿孤松秀嚴冬歷世誰可期照耀
東門瓜前費今豈知較計毀譽間無乃賢達卑

昔有玩世士乃處匡山阿其人久已冥春林發煙蘿故
址栗里旁見者不忍過荷鋤豈不苦刈薪行且歌詆毀
日來加醉酒良靡他沈冥在一時千載固難磨小兒爲
督郵磬折將如何

昔余游淦南曾上升天臺茲也誠玄冥萬里悲風來松

空同集卷七

六

柏摧路傍玉梁安在哉舉手招王喬三洲限蓬萊黃鶴
舞高岑清雲曳徘徊嘆息長久術愴惻令人哀

玉梁不可游回登懷玉顛應龍噴白霧接我升雲煙憑
軒望四海溷悶良可憐可憐者誰子白馬來翩翩明哲
困糟糠庸子驚輕軒嫵婉逞一顧力達成過愆傾城亦
何益傷哉誠嗟嘆

黃塗互東西六龍駕天車一馳濛汜間百計無奈何彎
弓倚扶桑抗手招陽戈浮雲徂我前逝鳥鳴相過鳳凰
愁丹山溟海日夜波行行欲安之念此紛滂沱

今日苦炎熱風雩可徜徉亭亭一孤松乃在匡山陽李
公宅深冥朱氏揚其芳仰身攀林巖俯之淚數行勢路

紛挾斜隨利來相戕命駕且復去誓與朱鳳翔
貴賤各有命昧者苦保持殷勤話言接轉面不可知一
言相千秋冠蓋嚇來馳鷄雀鳴梧桐喻習鸞鳳飢鷄鳴
市朝動董生方下帷

掇掇懷坦途由之乃江河波起旁所駭舟中如室家中
林設暗罟鴻鵠逝九阿讒巧誠相戕飛鳥日暮過修短
自然理作色將誰何

匡山有老人自稱巖下公綠髮渥朱顏皎若雲間鴻往
來騎白鹿姿美精內充招我將從之心阻難遽通流情
復高翔翩翩駕天風夙昔思此人寤言期與同感此重
枉顧德音常在衷

空同集卷七

七

騶虞不食草志士靈苟安矩步揮芬芳凜義不可干吐
辭程大猷妻子常飢寒中心思美人遙夜起長嘆延頸
望西岐欲鳴途路難躑躅待天晨宵夜徂漫漫明月鑿
房帷涕淚交汎瀾

臨事戒憤切憤切增煩心君子被短褐小人富黃金璇
機造變化何浮不有沈不見游波蛤前是檐中禽池鷗
奮羽翼倏忽四海陰沐浴濛汜間飄颻終鄧林

少年撫長劔放浪三河濱纍纍道旁者云是金鄧墳歛
翕隨龍飛策符登茂勳南陽多貴人烜赫闡朱輪委身
今黃土千載不復晨首陽有采薇餓死誰爲聞遺義凜
秋霜見者常酸辛

自聞鶡鴒鳴於心懷憂傷陰氣馴以厲庭草隕繁霜皋
蘭萎不榮瑟風游素商浮雲晝易冥白日時漏光登山
期所思反見高鳥翔蹀躞豈規步謔言儻譁張揮袂層
霄間撫劍增慨慷

昔余挾詩書京里揚鳴珂敷藻藝林間結交聚邊何豈
云傾人城絕代耀姿華分散倏老醜孤游江湘阿出攀
芳桂林倚岑揮浩歌荆榛蔽丘原浮雲一何多靈劍有
合并詠言傷蹉跎

莫笑一杯水覆地東西流入命若飄光超忽誰能畱黎
藿足充飢巖巒可遨游衣文附靈犧莊子誠見羞黃雀
乾下庖白刃臨九州一爲華屋吟俄頃歸山丘脫身幸

空同集卷七

八

及今世事如蜉蝣

毀譽不可校校之心煩悲榮名蓋一世千載誰見之塞
翁失其馬馬歸駒來隨生死尚無常萬事誠塵灰舒嘯
飲醕酒聊與玄化嬉

窶人困貧賤切切常自悲達者競先步所苦名位卑且
榮昏暮零二者誰復知二者不可知懊惱將何爲不見
曠世子埋沒隨蒿藜

李空同詩集卷七終

李空同詩集卷八

北郡李夢陽獻吉撰

五言古詩四十首

渡漢五首

好游良有彈今朝竟言歸洵洵舟下濤亂之將疇依異
途各爲趨同木相隨飛適觀千仞禽誰復瞻其輝
萬事雖貴豫數極極誰竟猷竭來彈我劍且復三河游迤
東望濠梁慨言懷莊周黃鳥孰興篇粉榆迺見尤
於心懷佳山背之每自顧相逢鮮久要那得不念故塞
翁困憂馬馬歸人始悟游女非召南千年沒貞素
霖雨濡我軌寒潦何滔滔墳畝峻徒悲漢流怒洪濤思
美嘆晨夕欲濟難容舫限隔豈固逃踟躕爲誰切
閒登古樊城回望峴首山鷄雀躍寒蓬疇念朱岑翰小
人競錐刀羊子迺探環智愚固生性融晦靡我嘆

空同集卷八

雜詩三首

宛宛春田鳩飛鳴柔且閒一朝化爲鷹肅肅厲羽翰眾
禽不敢並孤立秋雲端鳥既不自知人胡究其然
縣縣谷中葛引蔓在修楚修楚伐爲薪葛也安所附豈
無絺與綌可以禦清暑烈烈嚴冬時憂君乏纊絮
汎汎河上舟搖搖靡攸止我欲維此舟川廣不可涘振
振鳧與鴈棲食在波水豈不良幽寞夙心耽樂此

輓駒嘆

世徑互險夷富貴安所需昔爲漚中駿今爲轅下駒
白日仰悲鳴青雲立踟躕未蒙主人顧何由效馳驅朝思
碣石津夕睇流沙隅常恐侶凡蹇棄捐中路衢

李廣

李廣昔未遇射獵誰見稱君王猶未識他人寧不輕日
從田間飲夜止灞上亭醉尉前呼呵小吏亦見凌一朝
剖郡符飛蓋赴北平凭軾覽百邑樹羽寧于城亭障不
設燧樞馬躍頓纓彎弓射虎歸淡淡黃雲生自從結髮
戰舍鏑無虛鳴威懼五單于胡人寤寐驚孰知身運乖
數奇竟無成壯顏逐年衰白髮忽見嬰寄言雄圖者俟
命莫吞聲

空同集卷八

二

豫生

士有氣相感殺身酬所知伯氏旣謝世族姓無子遺噬
炭甘若飴漆身亮何爲生旣荷君遇沒敢求君知仇聞
再三嘆攬淚惠新衣玉劍四五動左右神爲摧愴哉彼
流水迄今爲鳴悲行路佇嘆息芝蘭繞墳基人生固有
畢節義誠難虧

怨歌行

怨違情有悲懼聚理無欺懼怨非中則感離難重持纔
見春華交倏已晨露滋秋風吹羅袂團扇不復施團扇
與羅袂用舍各有時炎寒啟迭運超曠多遠期勿徒嘆
捐棄恩愛儻中移

詠古鏡

熒熒堂中鏡皎皎懸秋月寵移明與奪勢滿光仍缺美人昔提攜拂拭生皎潔用以奉君子義投物不忽良無刮劇費豈謂遠乖絕悲故情自懣爭妍道所劣掩抑經冬春蕪蝕怨芳節黃鳥及候吟朱蘭有時歇推移準運理顯晦遵前哲顯晦亦何憐所嘆在乖別

葑菲莫

菁菁田中葑與與疆上菲託根豈誠異敷葉爲誰美采掇女心嘆遵路勞情理鮮莖入素手終朝不盈筐置之獨長惋拭淚沾衣裏白華肇卑薄谷風啟怨誹色衰使交離棄美因下體空瞻寸晷旋倏見嚴飈起徒持履霜戒誰念禦冬旨吟嘆非貞喻託物聊在此

空同集卷八

三

有夢

濡迹古梁郊託茲洪河疆流景逝不處眾草忽已霜玄雲駭崇原鳴風激空桑侯予竟此夕念獨涕沾裳人欲天必從神交詎無方解襟卽幽寐執袂奉顏光道暎未終已舒體各異鄉鳴雞在東壁薄月鑒空牀精誠諒有合暫違寧詎傷

雞鳴篇

宛宛天運周雞鳴夜復旦疾者寡長寐思者多寤嘆癩憂積中腸緒理一何亂眾人沓經營君子樂衍衍高山變爲陵深谷化爲岸願從詹氏卜乘槎問河漢

馳景篇

小至方浹辰居然屆寒臘澄空暮霜斂雲物恣吐納眷
念河關阻悵望三川楫城陰多悲風馳景杳難接遙憶
鹿門駕緬軫馮驩缺

時序篇

邈矣時序邁悠悠羈思懸少歲覲飛龍振步躡雲煙揚
芬凌紫霄結駟覽黃淵王綱祇以穆四海屢豐年晨趨
謁雲陛晚沐踏京塵流觴擁華館藻翰飛陽春逸者眷
多暇壯士恥無聞徒閱芳華改何有尺寸勳日月不我
待倏忽星運移抱疴屆茲夕憮然傷夙期玄髮難久恃
毋令達者嗤

空同集卷八

四

歲晏行

歲晏幽陰積寒霖夕館空浮雲起城闕浩渺安可窮悠
揚橫太虛回薄蔽鴻蒙我有一叢蘭種之良亦難飄風
忽來吹零露苦相殘勸君畱此草蕭艾不可賈

苦熱篇二首

大運互伸縮二儀每驕蹇陽威苟不烈陰馭何能反避
暑躡清榭拭汗望幽巖密綠暝豐林萋蕪萎修坂逃飲
豈其性對食不能飯嗟彼馳騁子晨暮各恣返執熱古
有經愚智詎相遠何當蘇海宇余亦遂仰偃

伏陰會當升愆陽固有期牆茨覆鮮實蟪蛄夕以哀所
虞大火流卽值涼霜催軒轅製六律大舜彈鳴絲四氣

爲之 and 民生寡憂思古理日云邈季運安所師我懷良
已永炎曜況倭遲願言惠清飈颯然均此施

潛龍篇

驕陰不可制堅冰憂我衷陽馭倏來返玄律播陰風譬
彼晝與夜循環固難窮古人閑行旅九市禁相通陽升
懼不力靜以收其功養木當以萌養德當以蒙眇哉一
絲微柰此羣陰攻脈脈淵泉底疇能拔潛龍

孔翠篇

孔翠耀其羽迺爲俗所珍神龍處九困潛躍固有因小
人役瑣屑君子揚其芬遐哉顏閔烈千秋灑靈芬出事
金玉昆入奉堂上親恩義苟不虧豈必饌芳薰爰騁六

空同集卷八

五

藝圃載詠詩書津何當繼喬木振珮躡高雲

有鳥二首

有鳥東方來長鳴向西北竦身欲縛鳥自顧無羽翼白
日蔽高陸玄陰視無極風颺晝烈烈積霰墮我側星紀
雖云周沴氣尙難測逝者一何速來者懼不力杖杜生
道左孤桐棄遐域雖懷壯士情詎補陽和德

一爲羈旅士遂使年歲積人情感新故慘慘不得釋夜
視天上星翳翳雲靄隔陽道卽光明何由布德澤離居
多永憂悵念在今夕借問悵念誰是我同袍客豈謂涼
暄殊所嘆阻疆場緘書寄游雲會託南征翮

臥疾二首

寒飈振疏牖十日歲華改王孫怨修路芳草若相待寸
心百慮嬰移疾屢朝晦范甑蛛網生翟門雀羅在嘆息
中林蕙望望何能采

眠疴感歲晏中意長刺刺展策不能讀對酒寡懽懽晨
風激幽林堅冰滿川澤短景不可駐倏忽變昕夕飛雲
迅南征歸鳥厲其翼地北常苦寒寤寐想溫域

值雪詠懷

索居倦晨暮杳杳傷歲窮玄雲爲誰屯流霏夜常風映
隙既窈窕穿窗亦玲瓏凌高似有綴填卑忽若崇哀多
雖稱物益寡竟誰功匪無盈尊酒斟酌解我冲途悵
伊阻佳期杳莫同握瑾惜楚老投瑤怨國風人欲天必
從精感理能通鍾絃曠易絕郢論寡彌工持爲知音說
庶以折其衷

至後上方寺酒集

久陰晦昏氛我行值嘉明白日展冬耀雪霽松林清景
異賞貴延朋集杯難停入筵午未端歸騎夕已冥衝風
振巖廊鈴索抗高鳴塔虛響先奔珠圓光易傾超物慮
可澹遺榮累果輕久枉證詮理一悟得所徵

上已海印寺二首

勞生苦役役况乃值溫陽林園有嘉榮蹊渚生柔芳秉
蘭迹已陳被襖難獨恣駕言適蓮宇迂紆陟虹梁我宮
延暮色陂樹藹青蒼詎知幽勝區占茲佳麗鄉居然心

境寂彌增塵路傷

眺遠及麗辰登危開我襟秉炬躡佛榭杳夕光侵芳
湖遞澄鮮幽隍覆層陰畢景沒長甸輕霏變春岑仰矚
雙龍闕卻瞻上苑林歸翼矯以翔鴻鴈多哀音蒼蔚桃
李場孰分松柏森

春游篇二首

東氣散廣陌北杓指青陬美人惜春陽鳴鑣事遨遊遨
游覽萬物紆遲駐道周京邑萬九衢合沓喧輪駟黃鳥
集于林碧草生御溝御溝多垂楊芳樹夾朱樓卑崇冒
休澤鬱哉帝王州

朝游東市陌暮出北城衢夕林何嶽岑華月耀西隅宵

空同集卷八

七

征沂皇垣回策遵玄湖春冰日以薄鳧鴈聚喧呼逶迤
浦激貫金刹據中區前有三石梁宛若垂虹紆卻顧雲
中觀翳翳蔽松楸

春日洪法寺後岡

暄陽入廣墟平阡暖煙蕪稅鞅尋高禪陟丘眺神都白
日麗中衢青霏藹林岨碧草一何萋叢葩亦已敷纍纍
誰氏墳嶮岬三浮屠鑿石錮九泉雄構耀城隅輿臺盜
綺衣苔蘚封丹樞矯首視天宇剡剡浮雲徂崇名古所
欽多藏祇區區

秋日重過上方寺

居間懷行游觸景慨時速昨來春華敷秋草倏已綠弱

蘋布霜漣叢蘭委寒陸纍果媚西陽漂穉滿空曲物遇
信絲曠情移乃躑躅夷猶步前庭迤邐陟曾麓夕風一
何厲行雲結相逐鐸音抗高聽塔影駭流矚聿非封侯
骨虛擬燕頰肉飛纓靡不榮芑屨諒應足寄謝世上人
吾久脫羈束

白本苦寒行

白日斂光曜北風如劒刃澤堅走鳴車冰雪峙千仞登
高望四海四海水將結蛟蛇壅巢窟虎豹潛於穴噴崕
太行谷蒼莽陰山戎沙磧畫飛霜壘門吹烈風烏雀墮
巖壁黃狐嘯空城居人掩關臥客子無復行

京師元夕有懷三子兼憶舊遊而作

空同集卷八

八

名都鬱坱壘浮雲陰孤臺宿昔與丈人攬袂凌崔嵬延
眺殊未已明月從東來俯身覽九陌車馬何喧阗朱門
競笙竽鐘鼓趣行杯詎知前代人寒隧生青苔金珠委
瓦礫鉛華安在哉沈冥日云富感激令心哀丈人方岳
喬夙質謝塵埃婚嫁慕向子幽棲放顏坏七十尚蛇蟄
白衣潛草萊嗟余糾簪紱俛仰阻沿洄逝將親逸躅榮
盛等浮灰

元夕友人見訪

春月多麗輝白雪媚其姿美哉京洛夕銀潢鬱透迤透
迤帶紫陌車馬驅以馳繁鐙張四衢都人競游嬉道者
便靜性俗夫乏遠資林塘枉冠蓋繾綣非我期金波低

宛轉明星漸離離清光苟不虧永與浮雲辭

月夜飲別徐氏

仲月玄鳥集蚯蚓蟠于廬榻從徐氏飲置酒臨中除明月一何光眾星爛高虛中有參與商相望慳不舒人生雖有權詎得常相於夷猶廣庭內惻惻摻子祛哲人重明德邁士懷離居離居諒復合行矣愼所須

行省樹下

中林溽雨積蕪徑暑日薄眾鳥集于樾鵙鳳眇焉託披雲矚岑觀縹緲三阿閣踽踽懷昔賢擾擾疾芬錯夷猶攀榮柯慷慨念幽壑

空同集卷八

九

李空同詩集卷八終

李空同詩集卷九

北郡李夢陽獻吉撰

五言古詩四十四首

贈王康邊何四子

絲絲遠道積冉冉歲華晏冰霜夕轉嚴星斗夜仍爛蘭
缸照寒戶旅士懷鄉縣方幸廁鱗羽詎謂各分散岐路
忽在茲山川復悠緬王子萬人特英論薄煙漢康生千
里足邁景速流電瑰璋欽奉常秀朗推中翰沖標汎光
蕙逸思凌玄鴈所嗟異根株逝矣悲霜霰興言念睽晤
佳期阻懽宴

九子詠九首

空同集卷九

序曰九子者皆天下賢豪人也今乃合余於孟

氏之堂祖行也慕義傷離悵然有感於前游於

是作九子之詠

劉戶部遠夫大謨

遠夫振英駕乃自儀封里孟復既鷹奮秉衡亦騰起獻

賦擬揚雄彈欽笑馮子時異各睽隔蓬轉自茲始

矯矯王邃伯深心託玄素

豈謂萬里空見此天馬步獨

行迂流議苦志涉煩務曰余驚鈍姿儻辱導前路

王職方錦夫尚綱

職方昔垂髫邂逅在梁汝游關匪豹隱攀邵遂鸞翥鴻

詞振宛洛一一中音呂訪戴諒不惜縱臆非所許

穆檢討伯潛孔暉

清廟播芳歎朱鷺激潛調沈冥會詮理刻苦光逾耀注
易在今茲醴酒企餘照載吟古離詠蹇拙慚賡紹

馬給事中敬臣卿

敬臣閨闈彥處世恆自拘朝謁金馬門暮向青瑣趨朝
隱慕方朔修辭劇相如太阿不在掌非君獨嗟吁

陶行人良伯驥

陶子三泖英妙小富篇翰至響本無聲隱璞疇能辨運
甕不云苦漉酒聊自玩解龜幸心許傾蓋荷清謙

馬進士君卿錄

空同集卷九

二

君卿素所昧密意宛相向醉酒似馬周讀書薄劉向時
人固不識古志亦骯髒試覩同游子魂礪盡英行

戴進士仲鵬冠

南州實才窟小戴亦橫鶩探鏤乃叨竊對孔豈在屢左
右佩采薺追趨信陽步傾城在夙昔贈我陸機賦

孟行人望之洋

孟生瑚璉器英邁徵古篇登泰夙所期望洋豈徒然欽
趨瞠顏後抗志恥盧先吾方把任鈞儻借襄陽編

贈姚員外二首

高鳥厭羣飛孤雲恆自輝綢繆誠靡乖何必久要期傾
蓋有芳訊白首則見疑嶄嶄龍沙濱風波暫徘徊

零濛不澤物衝風夕曾波送歸念維楫眇言望江河
逝摩九天蕭艾被泉阿長濤蝕孤嶼峙此將如何

別諸生漢口

大江流浩浩五日與子期風潮變旦暮六日達漢涓入
心重攸愛酬德視其施伊茲匪不幸所急非睽離晨颺
望我帆夕也宿共涯浮月每皓皓逆雲遞透迤情淵分
有窮愴子當分乖昔爲同池萍今向東西開大別峙鬼
嵬林蟬暮何哀俛首前逝波倚爐各徘徊

贈張含二首

已嚴蓬池駕遽返夷門歇商風動榮草檐雨鳴不絕客
病良易積況值變華節悠悠城西館倏爾雙經月昔至

空同集卷九

三

體流汗莎雞傍戶聒子也苟寧志川廣豈難越
流光逝忽忽天地一何軋六月子來至月也今已八客
子悲遠道時氣侵肅殺豈不念爾單室邇泥路滑三日
兩賡歌一日一通札寂軒倚衰柳柰此夕鳴蜚父母不
下堂歸軫何時轄

送張含還金齒

百憂強自排感之輒復積亦知別心苦所柰懽愛客迢
迢西南夷歎子此行役出雲懷舊山倦鳥厲歸翮時情
苟靡遭勉合亮奚益還道尚云遠去去加餐食

酬提學陝西朱君以巡歷諸什見寄

煌煌百二宅懷里念前都孰無雍門哀恨役久長途登

賦時有望所苦言辭麤自蒙新什惠披玩忘晨晡疏越
發潛響爛若湍錦舒慙亦作者末欲畫安我愚瀏瀏回
中吟宛游秦隴隅清韻澈波波南山筆魏如誰云篇目
寡已包千里餘讀既搖我心儻附西飛鳧

酬秦子百泉之招人事羈滯頗興延阻之歎五
首

暑阻慮難周絃促調不緩風雪徒情歎濯熱爲誰纂昨
枉泉上期結念在晨晚折花信延佇欲往心莫展
心展會有時迹乖難重期自我別林岑倏焉周二朞物
靈賞不延神往情詎移想像北池游回橈鷺南漪
南漪亂渚煙北池弄清漣芙蓉發錦苞白石響欄泉慮

空同集卷九

四

澄美莫致景入情更牽攀英遲來迹倚壑悵周旋
周旋懼莫同同策入雲峯陽崖互積雪六月如嚴冬若
人竟何乘孤游邈難從儻遇仙潭鯉露我躡雲蹤
躡蹤誠靡尋佇瞻勞我心高高望雲霓橫絕天中岑游
泉歎昔女隔阻匪惟今投桃遣來使儻惠瓊華音

將赴南邑借丘長公巾車

北游情未斂初吉復南驚積疴畏登涉怛焉憚修路控
銜力不任執綬性有慕願蹈高賢轍懼枉邯鄲步諒茲
無憾心庶慰車中顧

襄陽篇奉寄同知李公

晨登大梁城南望襄陽郭漢流趨何急樊山氣參錯樹

高風來集道大惟淹泊投沙理雖迫召賈恩非薄幸且
便山郡聊游謝羈縛仰攀躡孤岫俯眺聆大壑寒江斂
夕霽遠巖映林薄習池宴山簡英寮敞翠幙偶同攜葛
強飛翰凌觴酌歸聞銅鞮唱行和峴山作覽蹟驗物理
觸歎徒今昨沈憂亮無益流坎任所託

寄題隴州閻氏林亭

出處信不易卜築豈在遠聞君壯年日頗此遂仰偃創
基倚北阜開窗面層巘雜樹莽蔚蔚長流激清淺蹟異
願不隔路阻日遂晚愉悅各殊趣幽意不逮顯春風翻
深谷裊裊葛葉展代耕與灌園垂老付所遣

送張六還京口

空同集卷九

五

雲黃風色歇送子逾修眇野風吹江樹波水清且緊歸
舟本自驚況值順流穩金山會當聚別暫情可忍

送裴生京師

大江積風雨驕陰久我仇懷役念戈爰潢潦憂中疇戚
戚感物慮況子行遠游鬱哉朝宗心殷勤眺風洲

贈鄭攄

路縣家室怨久別誰奈苦荏苒及春孟冰消舟莫阻臨
觴歎河邁指景趁前侶汀曲帆易隱勞心望徒佇

贈李僉事衢

處世寡諧合營道無貞心緬邈伯牙絃歎息誰爲音竊
祿匪我志隨風豈能任所以棄朱紱窮年臥空林君子

枉榮顧駟馬一何駸輕蓋蔭白日軒車匝庭陰宴晤及
春期列筵享同襟目快淑氣草耳聆悅時禽看至弗徒
歸觴舉恨不深末路校通塞鑿止無飛沈託意誠匪殊
在遠固宜欽願言附松蘿子其斷堅金

將赴江西寄別殷伊陽明府

引年豈必老求志不在奇曰余逾壯齡遭斥還山棲事
與北門合迹擬東陵齊滅音謝人徒四暑忽逮茲向平
果遺榮謝安終徇時詎意值嘉運末照及葵藜簡書下
我廬急遽誰得辭迢迢江西帆別當首夏期末裝逐流
潮改服團炎颺情鬱爲念故寄重慚余卑虔絃改自調
孔鐸湮誰持江漢誠暫浮匡廬靈久羈返貞意已堅抒
懷告心知

空同集卷九

六

鳶山訪汪氏因贈

昨余發弋邑急覿舞鳴湍灘高果莫泝改騎凌層山
層水復曲歲晏嵐風寒捫蘿冒嶮艱踏冰涉澗沿日入
達平夷倏覲君子關清溪交遠圳高松夾路閒遺榮靡
所希時仕義乃詮未羨焚魚高頗欽奇字傳矧伊連枝
芬慰我同心蘭綢繆促宴聿曙猿響南巒

冬日撫州贈友

晨光鬱將布時嚴氣自凜陽也諒匪力厥陰無亦甚時
極理終固情成勢難寢徒然江漢紀莫制北颺凜寒湍
落孔家霜色峻石廩甘菊冬始華赤樹紛如錦校閱纔

及旬勞拙遺安枕既已阻攜玩胡由接芳衽擬峴行共
陟寄言備醇飲

內弟玉園莊歸

逾年始及村日入復言歸言歸亦何爲景異情難持沙
禽噉噉鳴園林收暮霏暮霏轉急湍春草碧漫漫我行
已逾隄我心念猶攢志往物不隔室遠詎無端誠乏靜
者慮郊野豈徒安

內弟左國玉輓歌

滔滔水東逝靡靡日西馳日馳雖更晨水逝無還期清
醕滿華尊鳴琴在菊茲門堂不改故若人竟何之天在
獨兼今凝澄究若斯二紀罔自保千秋寧詎知情慟道
與結感往志彌悲皇皇徂暑月捐我就郊岐故築卽新
墳廣路席前基狐兔夕向嗚芳麻延碧滋解鍊心已許
回轅痛豈欺永測游魂理徒此眩盈虧

改營外舅大夫園域

貴賤無二死賢愚同一丘明公昔謝世蹟駭理夷猶夷
猶及茲年墓木拱已稠志決物可贊運旋情更酬悽悽
臨壙穴崩迫覽陰幽昔爲美丈夫今與腐者儔枯骨蔓
草纏劔珮攢蟬蟀痛沈祇愈迷神期竟何游名崇壽罔
積露隕蕙先秋芳塵滿華屋故馬咆行輶改園僅逾阡
窮地卽我謀方期枌檟成庶紆生者憂爲惟國士遇因
慟遂成謳

熊御史卓墓感述

幽幽山下江我我山上松纍纍松下墓瑟瑟松上風慨
昔與君游並游京華中我冠省臺內鳴鑾趨步同中更
歎莫偕永逝當何逢絕絃已易慘挂劒今誰從駕舟亂
回洋展墓臨高崇浮雲駭南流願望摧我衷德音既長
已情感胡由通祇餘泣麟意悲歌傷命窮

徐子墓

晨興駕我車行行造古墓墓門一何寥踟躕久延顧白
阡修且直青松夾中路借言葬者誰漢時徐孺子麟出
諒不偶龍潛竟何以我我東都會藹藹青雲士一鳴爭
及時邁蹟歆先軌冠蓋紛若雲車馬闐京里鳴玉氣自

空同集卷九

八

振排闥情難已鴻鐘有競勳大策無停紀斯人獨岑寂
哀歎勞心理

溫太真墓

雙鵝識妖端一馬前休兆中原既板蕩臣主同奔峭長
蛇恣吞噬白日掩孤曜心違祖述楫事蹟扶風嘯康屯
見斯入辱已存機要建侯竟誰功江介無飛旆勳成身
乃殂天逝徒心悼側惟盈縮理虛咎然犀照遺墳闕清
千古樹寒新廟來阡莽回鬱弭節紛延眺載瞻徐墓邇
益壯風流紹

澹臺滅明墓

子游昔宰邑邑有澹臺公非公不見宰不徑垂無窮身

歿埋豫章豫章乃城中長松何寥寥石墓堅且崇崩館
晝常陰古樹多悲風丸丸擁基藤垂垂網戶蟲喧寂本
異感慨惋當何同道伸固難滅瞻睇搖晴虹

孺子墓夏謁

懷賢意實勤展謁良已屢丰茸蔓草盛閒關夏禽嘯野
斂延竹戶丹華綴高樹徘徊想故榻畱連果誰遇

孔廟松

夫子廟前松童童一青蓋盤拏若蒼龍借問自何代靈
籟度笙竽古色積煙黛義然森翠中鬱彼風雲會絕勝
講壇杏應並闕里檜

犬詩二首

空同集卷九

九

警夜力不贍逐兔非所任吠花春院閉戲草日移陰家
貧稱戀主時乖堅始心

吠厖聞昔詠走盧欽故名游園方載獫重鉞寧自行發
蹤難可遇霑草空含情

詠信州茗和鄭子

厥草有佳種靈味固無匹豐內謝華榦卑叢類謙抑陽
和散林彩修修吐英特濯影金屑泉敷芬玉巖側完馨
重伊始溥露浥其色采掇屈柔腕製之成我德三緘附
貢品遂入君子食入鼎沸銀浪隨風可傾國滌煩古有
經通仙詎堪惑

李空同詩集卷九終

